

pereant. Ex verbo autem mercandi planum est, sermonem hic esse de cruenta morte Christi: ut judicari potest ex collatione 1. Cor. 6. v. 20. & cap. 7. v. 23. Apoc. 14. v. 3. & 4.

acquisitione agitur, per quam re ipsa peculium, seu possessio Dei effici-  
mur, quæque proinde fidem in Christum exigit: juxta illud 1. Pet. 2. v. 10.  
Vos estis gens sancta, genus electum, populus acquisitionis &c.

Sic denique Rom. 8. v. 33. 34. dicitur quidem, Christum pro electis esse  
mortuum &c. At non (43) additur, pro his solis. Nam (44) & Johan. 15.  
dicitur Christus pro amicis suis animam posuisse. Nec tamen hinc sequitur,  
pro solis amicis esse mortuum: ut qui alibi etiam pro inimicis mortuus  
esse dicatur, Rom. 5. &c. Neque verò illic quolibet (45) modo pro ele-  
ctis mortuus esse dicitur; sed ita, ut etiam pro iisdem in cælo intercedat.  
Unde patet, hinc de morte Christi actualiter efficaci, hoc est, cum suo ve-  
ro effectu conjuncta, sive per fidem applicata, sermonem esse. Quo qui-  
dem sensu fateor, eandem ad solos electos (46) revera pertinere. Sed hinc  
non sequitur, Christum pro aliis nulla ratione, ne sufficienter quidem,  
mortuum fuisse: aut Deum velle, aut unquam voluisse, ut Christus pro  
nullis aliis mortem obiret, quàm pro piis & electis, h. e. pro iis tantum,  
qui re ipsa fructum, sive effectum, mortis Christi ad salutem participant.  
Hæc igitur digna sunt, quæ amplius expendas.

43) *Et si nõ additur: tamen per tacitam antithesin significatur.*

44) *Non est par ratio: quia ibi non est talis antithesis.*

45) *Falsa expositio. Non indicatur ibi modus aliquis mortis Christi: sed diversæ actus.*

46) *At hic falsò exponis istud nomen. Electi enim in scriptura dicuntur qui à Deo electi sunt ad vitam æternam, sive jam credant, sive nondum credant.*

## SECTIO XXVII.

*Expectatio, & dolor, an & quatenus Deo conveniant.*

**P** Ag. 114. Thes. 28. Dolor Dei significat vehementem alicujus inexpectati eventus displicentiam, quæ tristem operis divini mutationem secum trahit.

### NOTA PISCATORIS.

Propriè loquendo 1. Deo nullus eventus *inexpectatus* accidit: quia omniscius est. Neque etiam *tristitia* 2. ex operis sui mutatione in eum cadit: quia summè sapiens est. Sed hæc tribuitur Deo per ἀνδραποπείδειν.

### RESPONSIO VORSTII.

1. Si *expectatio* boni alicujus eventus (1) rectè Deo tribuitur: certè negari non potest, *inexpectatum* quoque malum eventum eidem rectè tribui. Nam utriusq; contrarii eadem hinc ratio est: sicut ex ipsorum descriptione patet. At illam (2) rectè Deo tribui, vel ex loco illo Esa. 5. v. 2. & seqq. satis apparet: ubi Deus ipse testatur, se quidem à populo suo *expectasse uvas*, hoc est, *justitiam*; sed *labruscas* tamen, hoc est, *injustitiam*, illic *invenisse* &c. Et similiter Apostolus ait (3) (1. Pet. 3. v. 10.) *patientiam Dei*

### NOTÆ PISCATORIS.

1) *Non est questio, an rectè: sed, an propriè loquendo.*

*Nam & qua per tropum Deo in scriptura tribuuntur, rectè tribuuntur.*

2) *Sed per ἀνδραποπείδειν.*

3) *Ibi quoq; eadem est ἀνδραποπείδειν.*